

1757

P O L E M I C I

1758

erit, nisi dicas *Matthiam Parisiensem* se ipsum, ut Autorem a se diversum, citasse, quod vix probabile. *Codicem* porro in *Bohemia* scriptum testantur Membranae duae eum ambientes, quarum anterior continet Notitiam publicam *Census mediae Sexagenae grossorum denariorum Pragensium* venditi a *Wenceslao Waijgbarth* Cive *Eylaviensi Nicolao* Plebano in *Gerczan*, Cujus testes *Jacobus anas Cuba judex* — — *Frana Sutor. Joannes Mudry. Wencesl. Synek. Martin. Holecz. Johannes doleator.* Datum et actum in *Eylav*. Anno domini *Millesimo quadringentesimo XVI^o*. feria tertia post octavam epifanie domini. Posteriori fidem facit *Nicol. Werkmeister Judex* et *Nicol. Coblenz Magister civium* cum aliis Consulibus *Civitatis Zacen*. a *Nicolao de Strancz* certam *Grossorum Pragensium* Summam perfolutam esse *Bertoldo Kezlen*. Notae temporis abscissae fuere.

CCCCXLVII.

487 Codex chartaceus lat. Sec. XV. Folior. nunc 259. 4. manu difficili minute scriptus, foliis cum in medio, tum in fine mutilatus, multumque situ passus est *Concordantia IV. Evangelistarum*, cujus Prooemium incipit: *Lex seu doctrina evangelica perfectissima est per se sufficiens ad regimen ecclesie militantis cui non licet quicquam addere uel subtrahere &c.* Ita totidem paene ver-

bis *Joh. Hussus* in *Scripto de Sufficientia legis Christi*, T. I. Opp. 1715. p. 55. *Lex Jesu Christi est sufficientissima, requisita ad regimen Ecclesiae militantis, cui non licet quicquam addere vel subtrahere.* Ut adeo ab hac Thesi Magistri Tractationem suam auspiciari voluisse videatur Discipulus aliquis, aut Tractatio ad ipsum *Hussum* referenda fit. Atque posterius istud aliquam inde veri similitudinem nanciscitur, quod, quamvis inter *Hussi* Opera nemo *Concordiae Evangelicae* meminerit, nostra tamen praesens cum *Ejus Historia Gestorum Christi et Passionis Christi ex 4. Evangelistis in unum collecta* P. II. Opp. p. 1. et 8. non parum conveniat, haecque duo Opuscula majoris Operis veluti Compendium haberi queant.

Codicem anno 1516. possedit Sacerdos *Bobemus* ille *Wenceslaus Rossa Cbrudimens.* cujus plura κτηματα jam haecenus retulimus.

CCCCXLVIII.

Codex chartaceus lat. boh. 668 Sec. XV. Folior. 189. 4. currente calamo, non una manu conscriptus *Sermones* continet in *Dominicarum Evangelia* et *Epistolae*, non observato temporis ordine, nec deductos semper, sed non raro συνοπτικως exhibitos. Ita Thema Sermonis I. *Jam vos mundi estis propter sermonem quem locutus sum vobis. Joh. XV.* mox sic digeritur: *Et sic sermo erit*

M m 3

1759

C O D I C E S

1760

erit de purgatorio, quod aliqui tenent purgatorium post hanc vitam. Et tamen christus non precepit apostolis suis predicare purgatorium post hanc vitam &c. Ex quo adparet, pertinere Codicem ad *Hussi* tempora et *Bohemiam*, id quod multa passim inspersa illius Gentis idiomate confirmant.

CCCCXLIX.

944 Codex chartaceus lat. boh. Sec. XV. Folior. 259. 8. non unius manus Congeriem Scripturum offert, quae ordine suo indicabimus. I. *Incipiunt articuli Sinodi generalis Cleri Regni Boemie celebrate Anno domini M^o CCCCXXXVIII^o in festo sancti Jacobi Apostoli in Ciuitate Inclita pragensi.* Nec *Cochlaeus*, neque *Lupacius*, aut *Pelzelius* hujus Synodi meminere. Init: *In primis pio et fideli corde credimus, et integra mente credendum et asseuerandum affirmamus &c.* Itaque de Scripturis sacris, de Symbolis, de quatuor suis notis *Articulis*, ubi de utriusque Speciei usu additur: *etiam si prelati diffenciant, licite faciunt*; de septem Sacramentis, *Missa*, *Suffragiis Defunctorum*, *Purgatorio*, &c. Paene omnia ad mentem Ecclesiae Rom. Cath. et dirigente, ut videtur, *Rokyczana* constituta. Inter alia votum exprimitur de Festo *Dedicationis* omnium totius Regni Ecclesiarum una eademque die celebrando.

II. fol. 8. *Compactata Iglaviensia* Regni *Bob.* et *Le-*

gatorum Concilii *Basil.* anni MCCCCXXXVI. Cum aliis monumentis ad ea pertinentibus, ut extant in *Leibnitii Mantissa Cod. Diplom.* P. II. p. 138. et magnam partem *Cod. nostro DCCCCLXVIII.* Hic vero praescribuntur: *Forma literarum in quibus inseruntur compactata sigillata et expedita Iglawie, et primo dominorum legatorum.* Initium: *Nos Philibertus &c.*

III. fol. 30. p. 2. Congeries prolixa *Autoritatum Scripturae, PP. et Doctorum* pro Communionem tam sub utraque, quam Infantium, hoc initio: *Primum probat eam lex diuina de Manna et aqua &c.* Posterior est haec Congeries aliis saepius relatis, et praevie ante illam ad *Indicem in Egra (1432) condidatum* appellatur.

IV. fol. 73. p. 2. *Caroli IV.* Rom. Imp. et R. Boh. Diploma de institutione *Studii generalis Pragensis.* Adi *Cod. paulo ante cit.*

V. fol. 75. *Articuli Boemorum et Morauorum regi W.* (Wladislao II. Hung. et Boh.) *presentati Inde autem ad dominum sedis apostolice legatum (Thom. Bacocium Card.) Budam missi Anno christi 1502.* Insistunt, ut *Compactata Basil.* obseruentur praecipue circa utramque Speciem, *Communionem Parvulorum et Cantum ecclesiasticum* in lingua vulgari. Initium: *Optamus quemadmodum litere executorie &c.*

VI.